


Utusan Melayu maseh mogok

Berita Harian, 23 July 1961, Page 1

 Article also available on Microfilm Reel NL2825



KUALA LUMPUR, Sabtu.
—Mogok 115 orang pekerja akhbar Utusan Melayu di-sini masok hari ketiga hari ini dengan tidak ada sa-barang titek pertemuan antara mereka dengan pehak majikan.

Inche Tajudin Kahar, jurubichara pekerja2 itu hari ini menyatakan kapada Berita Minggu: "Kami sedang menunggu kedatangan Inche Hashim Awang, pengerusi Lembaga pengarah Utusan Melayu.

"Pihak kami sedia berunding bila masa sahaja untok membuka jalan penyelesaian dan oleh itu kami semalam telah meminta Inche Hashim Awang datang segera.

Pengakuan

"Inche Nordin, salah sa-orang pengarah dan Tengku Hassan, manager Utusan Melayu semalam telah memberl pengakuan bahawa Inche Hashim Awang akan datang ka-Kuala Lumpur. Oleh itu, kami sekarang menunggu ketibaan-nya sahaja," Inche Tajudin menambah.

Bellau berkata bahawa pehak-nya "sudah tentu-lah tidak dapat berunding" dengan Inche Ibrahim Fikri, Ketua Pengarang dan Mang-ing Director baharu Utusan Melayu.

Ini ia-lah kerana Inche Ibrahim Fikri menjadi salah satu sebab perselisihan antara pekerja2 dan majikan.

Berpiket

Pekerja2 yang mogok itu maseh lagi berpiket di-sekitar kawasan bangunan Utusan Melayu.

Sementara itu, akhbar Utusan Melayu terbit sa-mula hari ini sa-telah terhenti penerbitan-nya dua hari lalu.

Keluaran-nya hari ini hanya sa-helai sahaja dan ia telah di-chetak oleh sharikat Printcraft Limited.

Cherita utama di-muka satu-nya bertajok "Mogok pekerja2 Utusan Melayu 'haram' kata Fikri".

Keluaran istimewa itu di-edarkan dengan perchuma.